


'MAGNIFICO PRESENTACION DI TATTO, LONG ROY Y MIGHTY TALENT'



Durante e fin di siman pasa publico a goza tres dia largo di e tremendo show di costume teni den Cas di Cultura. E publico tabata tin e oportunidad di aprecia e bunita disfraznan cual merecidamente Aruba a triunfa den luna di November na Curaçao.

Tambe tabata tin presentacionnan di e artistanan local Long Roy, Tattoo y Mighty Talent. E ex pauwis Long Roy a cuminza pone tur hende "HANDS UP", sigui

pa Roadmarch king '91 Tattoo a presenta tur na indian y a pone tur hende "SLIDING DUCK", y ora tur hende tabata slides e la "LOS E FLECHA" y tira su "HACHA".

Tambe e la canta un pida di su roadmarch, calypso y tumba cual e lo bay competi cu ne e aña aki, sin ningun persona a ripara. Pa termina e fabuloso show aki e superstar di Aruba Calypso King '91 Mighty Talent a bolbe demostra su talento y a blo

pia abao y a puntra KI TIN? e publico a responde "REDO".

Notabel durante su actuacion e publico tabata pidi constantemente pa "REDO". Sin duda cu e hit aki a dal hopi duro y lo sigui bay rezona durante carnaval y kizas henter e aña aki. Manera semper e MC di anochi Ruben "Scorpio" Garcia, tabata chistoso y a entretere e publico cu su chistenan cu tabata causa un hilaridad constantemente.

DEN AMBIENTE kier a felicita JOHN JOHN FLEMING cu a sabi di monta un spectacular show den Cas di

Cultura, cu mester bira un tradicion. PABIEN John John.

DEN AMBIENTE DI CARNAVAL

Temporada di Carnaval ta e temporada di mas dushi na Aruba. Esaki ta e temporada cu tin mas ambiente tambe. Naturalmente sin musica no tin ambiente. DEN AMBIENTE tin hopi respet pa nos musiconan cu fuera di tin cu cumpli cu nan labornan diario, tin cu sacrifica hopi pa nan cumpli cu tur nan ensayonan pa calypso y roadmarch contest, tumba y tur e fiestanan carnavalesco.

Tambe algun di nan ta co-opera enormemente pa tanto tumba y calypso contest infantil i juvenil. Por bisa cu practicamente e musiconan aki ta ocupa tur dia henter e temporada di carnaval.

Anto despues di tur e sacrificionan aki nan tin cu enfrente e programanan final di carnaval, loke cu hopi ta kere ta dushi pero enberdad no ta facil. Si nos analisa for di e momento cu nan cuminza toca pa Jouvert morning cual tin un duracion di mas o menos cuatro ora, sigui pa carnaval na San Nicolaas cu

ta cuminza 2or di merdia, y cu apenas nan a sosega nan curpa debidamente nan ta toca den e solo cayente pa mas di cinco ora largo.

E mula mas grandi mes ta e parada grandi na Playa, caminda nan no mag stop di toca sino e publico ta rabia cu nan tambe.

Ultimo tempo nan aki tin hopi desconfianza y desacuerdonan entre ASOMA y SAC y tur esaki ta trece un badabada y redonan cu no ta sirbi pa nada. Locual DEN AMBIENTE ta desea ta pa tanto ASOMA, SAC y e GOBERNANTENAN sinta na mesa manera un bon ARUBIANO, regla tur e problemanan aki pa nos musiconan durante Carnaval por haya dia liber paga y tambe ricibi un bon sueldo sin cu e gruponan di Carnaval tin cu paga sumanan astronomico. Tur esaki muy especial pa adelante di nos carnaval cu pa añanan caba e turistanan ta bin pa goza di nos maximo fiesta cu ta entre e mihor nan di Mundo.



DEN AMBIENTE ta haci uso di e oportunidad aki pa felicita DJ IVAN KELIE JR. di Radio Carina cu su nombracion recientemente como TIGER DJ di Aruba, cual a ser haci pa medio di un encuesta den e rubrica di colega di DEN AMBIENTE, esta MUZVID. E discjockey aki ta uno cu berdaderamente merece e premio aki, mescos cu e CHICKEN DJ Erin Croes di Canal 90. Riba e potret aki por mira e tiger den pleno hipnosis cu e microfono su dilanti. Un pabien y keep up the good work!